

maxime contra Bernardum Sapientem; sed cum rei veritatem invenire non possent, consulibus in plena concione suam purgare innocentiam volentibus, surrexerunt omnes in eos cum gladiis et fustibus atque lapidibus, clamantes et dicentes illos proditores et morte dignos turpissima. Persecuti praeterea [a] eos clamore et stridore den-
tium magno per domos et de via quaque [b], dominum quoque Federicum de Guilielmo, ad matricem Ecclesiam fugientem, fere juxta altare, fortiter vulneraverunt [c].

Hic Faventini fecerunt ccccc equites.

CAP. LXV.

Post paucos autem dies, sopito civium rumore et omni ablato timore, coeperunt consules de bello inimicis abinde inferendo [d] tractare, statueruntque [e] arma, quod pondus [f], pro posse et statu personarum, singulis conveniret [g] civibus. Xpripserunt igitur equites quingentos, qui toto tempore guerrae, hoc est fere triennio, inventi sunt ad equitandum usque parati, ad ponendum insidias docti, ad inimicos offendendum [h] omnibus modis solliciti. Habebant quidem equos veloces et pene infatigabiles [i], quos faciebant [j] usus assiduus, et annonae copia, et maxime faba quae profecto apud Faventinos eorumque majores inter alios fructus terrae maximum semper obtinuit locum. Pedites a vestigiis equitum modicum deviantes, etiam sine jussu rectorum, cum ipsis ire, die noctuque, inveniebantur parati.

De destructione Lauretae.

CAP. LXVI.

Sub anno nativitatis Christi MCLXVIII, in februario, Faventini die quadam, civitatem Forolivi praetergredientes, ad castrum equitaverunt Lauretae, quod a media tertia usque ad nonam totis viribus expugnantes, de castro et intus reclusis, vulcano superante, plenum habuerunt triumphum. In hoc autem castro dominum Hieremiam de Polenta [k] [A], Namerium [l], Ubaldum [m], et quosdam alios, tam milites quam

[a] Persecuti praeterea. Cl. Mitt. sic legit. In C. V., persequuntur praeterea. — [b] de via quaque, Codd. M. et A. In C. V., de undequaque. — [c] fortiter vulneraverunt, Codd. M. et V. In C. A., foediter vulneraverunt. — [d] abinde inferendo. Sic Codd. M. et A. In Cod. V. deest abinde. — [e] statueruntque. Sic lego cum cl. Mitt. et C. V. Codices M. et A. habent statuentesque. — [f] quod pondus. Sic Codd. et cl. Mitt. An forte legi potest quod ad pondus? — [g] conveniret. Codd. conveniatur habent. — [h] inimicos offendendum, C. M. et V. In C. A., inimicos offendendos. — [i] infatigabiles. In Codd., infaticabiles. — [j] quos faciebant. Sic cl. Mitt.; quod, C. A.; quo, C. V. — [k] Hieremiam de Polenta. Sic lego, etsi Codd. M. et V. habeant de Polento. — [l] Namerium, Codd. M. et V. Homerium habet C. A. An Numerium? Tondutius habet Homericum. — [m] Ubaldum. Tondutius addit comitem de Petrigano.

[A] Polenta est exiguum castrum, quod adhuc superest, quodque Hieremiae supradicto ac ceteris Polentanis, Ravennae civibus, cognomentum dedit. Extat autem ejusmodi castrum supra viam Emiliam, septimo circiter ab urbe Foroliviensi lapide.